

## **Elektrotexnika sanoatini rivojlantirishning muhim yo?nalishlari belgilab berildi**



**O'zbekiston Respublikasi Prezidenti Shavkat Mirziyoyev 22-may kuni elektrotexnika sanoatini rivojlantirish, ishlab chiqarish va eksport hajmini oshirish masalalariga bag?ishlangan yig?ilish o?tkazdi.**

Bu haqda O'zbekiston Respublikasi Prezidenti Matbuot xizmati ma?lum qildi.

Hayot sifati o?sishi bilan aholi orasida va iqtisodiyot tarmoqlarida elektrotexnika mahsulotlariga talab tobora oshib bormoqda. Jahon miqyosida bunday tovarlar eksporti hajmi 2 trillion 500 milliard dollardan oshib, yiliga 10 foiz o?sish kuzatilmoqda.

Bu soha mamlakatimiz iqtisodiyotida alohida o?ringa ega. Ichki bozor, muassasa va xonardonlar yurtimizda ishlab chiqarilgan mahsulotlar bilan ta?minlangan. O?tgan yili, masalan, tarmoq korxonalarida 2 mingdan ortiq turdag'i 9 trillion 600 milliard so?mlik tovarlar chiqarilgan.

Shu bilan birga, sohaga keng sharoitlar yaratilganiga qaramay, katta miqdorda elektrotexnika buyumlari import ham qilinyapti. Mintaqा bozorida mamlakatimizning eksport ulushi esa yetarli emas.

Yig?ilishda eksport-import konyunkturasini o?rganish asosida elektrotexnika sanoatini rivojlantirish, yangi mahsulotlarni o?zlashtirish va raqobatbardoshligini mustahkamlash masalalari muhokama qilindi. "O'zeltexsanoat" uyushmasiga 2022 yilgacha ishlab chiqarish hajmini ikki baravarga oshirish hisobiga importni optimallashtirish va eksportni 500 million dollarga yetkazish vazifasi qo?yildi.

Prezidentimiz buning uchun xomashyonni chuqur qayta ishlab, qo?shimcha qiymatli mahsulotlar ishlab chiqarishni tashkil etish zarurligini ta?kidladi.

Hozirda misdan tayyorlanayotgan mahsulotlarning 50 foizidan ko?prog?i oddiy simdan iborat. Shuni chuqur qayta ishlab, mis trubkalar, internet va aloqa kabellari tayyorlansa, jahon bozorida qimmatroq sotiladi. Maishiy texnikalar, qurilish, sanoat va meditsina uchun zarur asbob-uskunalar hamda ehtiyoj qismlar ishlab chiqarish borasida ham salohiyat yetarli ekani qayd etildi.

Mahsulotlar eksportida transport xarajatlarini kamaytirish zarurligi ta?kidlandi.

Yig'ilishda import o'rmini bosuvchi mahsulotlar ko'lamini kengaytirish, ularning tannarxini kamaytirish masalasi muhokama qilindi.

Ishlab chiqarishda qo'llanilayotgan ko'pgina ehtiyoj qismlar import qilinayotgani, bu tannarxning qimmatlashiga olib kelayotgani ko'rsatib o'tildi. Muzlatgich va isitish uskunalar, kompyuter texnologiyalari, mobil aloqa vositalari, quyosh panellari va boshqa yuqori texnologik mahsulotlar ishlab chiqarishni keng yo'lga qo'yish orqali yurtimiz korxonalarining ichki bozordagi o'rmini yanada mustahkamlash zarurligi ta'kidlandi.

Iqtisodiyot va sanoat vazirligi, "O'zeltexsanoat" uyushmasiga yangi mahsulotlarni o'zlashtirish bo'yicha "yo'l xaritasi" ishlab chiqish vazifasi qo'yildi.

Yurtimiz mahsulotlariga ichki va tashqi bozorda barqaror talabni shakllantirish, davlat xaridlari va sanoat kooperatsiyasidan keng foydalanish masalasiga alohida e'tibor qaratildi. Ayniqsa, qurilish, energetika, axborot va kommunikatsiya texnologiyalari, avtomobilsozlik kabi tarmoqlarda ichki kooperatsiyani kengaytirish zarurligi ta'kidlandi.

Xorijiy bozorlarga kirib borish uchun tashqi hamkorlikni ham rivojlantirish muhim. Shu bois jahonga mashhur "brend"lar bilan qo'shma loyihalarni amalga oshirish, mahsulotlarni xalqaro standartlar asosida sertifikatlash tizimini yo'lga qo'yish bo'yicha topshiriqlar berildi.

Ishlab chiqaruvchilarga yaratilgan sharoitlar tahlil qilinar ekan, bu borada erkin savdo zonalari muhim o'rinni tutishi qayd etildi. "Navoiy" va "Jizzax" erkin iqtisodiy zonalarida yangi loyihalarni joylashtirish, "Termiz" erkin savdo zonasini tashkil etish bo'yicha takliflar bildirildi. Tarmoqni jadal rivojlantirish, ishlab chiqaruvchilar uchun qulay sharoit yaratish maqsadida zamonaviy infratuzilmaga ega elektrotexnika texnoparklari tashkil etish zarurligi ta'kidlandi.

Yig'ilishda berilgan topshiriqlar yuzasidan zarur chora-tadbirlar belgilab olindi.

[O'za](#)